

Friûl di Jevât

PAR CURE DA LA SOCIETÂT FILOLOGJICHE FURLANE

Vie Ascoli, 1, Guriza - tel./fax 0481533849 - gorizia@filologicafriulana.it - www.filologicafriulana.it

Grant l'interès dal public che al à partecipât a la cunvigne organizade in Palaç Mantica a Udin

Il model ladin pe Rai in Friûl



Protagoniscj da la cunvigne a son stâts il president dal ordin dai gjornaliscj dal Friûl Vignesie Julie Cristiano Degano e il gjornalist ladin Mateo Taibon.

de Comunitât Linguistiche Furlane, aleadis te bataie par incressi la ativitât radiotelevisive publiche in Friûl. Protagoniscj da la cunvigne a son stâts il president dal ordin dai gjornaliscj dal Friûl Vignesie Julie Cristiano Degano e il gjornalist ladin Mateo Taibon. Degano al à ricuardât i avveniments storicis che a àn puartât a fâ nassi lis trasmissions prin par sloven (la prime convenzion RAI a chest proposit e je dal 1992) e po dopo par furlan, scomençadis tal 2003 in grazie dal finanziament da la Region: a jerin i timps di "Alberto Lôf" e da la "Pimpa". Taibon invezit al à contât da la ativitât di RAI Ladinia: 100 oris anuâls di trasmission televisive, dôs edizions dal tg, une redazion autonome cun 10 gjornaliscj e fin 4 programiscj pai programs culturâi, cence fevelâ da lis trasmissions par radio. Ma i risultâts no son colâts dal piruçar: "La strade e je stade lungje. Sul inprin al jere un grum di seticisim ancje di bande da la popolazion ladine.

La situazion di cumò e je il risultât di un lunc impegn durât desenis di agns, che e à puartât tal 1988 ai prins programs televisifs regolârs par ladin e dîs agns daspò al prin tg par ladin". Il confront cu la nestre region al è cuasi impietôs. "Il Sud Tirôl al è par nô un model di buine pratiche - al à dit il president da la Filologjiche Federico Vicario, che al à volût ancje meti in evidence il rôl dal setôr privat. Jo o ringrazii lis tv e lis radio privadis che a contin dal nestri teritori e che lu fasin par furlan; ma cence nuie gjavâur, si à di di che la RAI e je la RAI, la emitente radiotelevisive di interès public". "Il nestri sproc "plui furlan in RAI" - al à zontât il president ACLIF Daniele Sergon - nol è dome un dit. Al significhe in concret plui personâl in RAI che al fevele furlan e plui programs dedicâts al Friûl, cun ancje un telegjornâl par furlan". Ma Sergon al è lât ancje plui innà, visant di gnovis iniziativas istituzionâls: "O scrivarin al

Sotosegretari a la informazion e a la editorie Alberto Baracchini, par cognossince a la Presidente dal Consei Giorgia Meloni, domandant di podê cjatâsi cun lui in chescj mêss cussî impuartants pal rinovament da la convenzion Stât-RAI, e pronts ancje a lâ jù a Rome cu la fasse tricolôr come Sindics furlans". Su la cuestion al è intervignût ancje il gjornalist Daniele Lettig, che al ha let un comunicât comun dal comitat di redazion da la RAI regionâl e dai sindacâts da la sede RAI di Triest, dulà che i stes dipendents a mostrin lis prioritâts par un servizi plui adat a la realtât da lis minorancis linguisticis regionâls. Lis conclusions a son stadis tiradis dal President dal Consei regionâl Mauro Bordin, che al è ametût che "e je anjemò tante strade di fâ, ma il mont politic al è daûr a fâ la sô part. E dongje di nô a son lis amministrazions comunâls e lis associazions che a representin dute la comunitât furlane".

U ne sale plene di int par scoltâ Mateo Taibon, che al contave dal "meracul" sucedût intes valadis ladinis dal Sud Tirôl. Al è stât grant l'interès dal public che al à partecipât a la cunvigne organizade ai 14 di Març in Palaç Mantica a Udin di bande da la Societât Filologjiche Furlane e da la Assemblee

La celebrazion principâl a Tarcint domenie ai 7 di Avrîl

Fieste de Patrie dal Friûl 2024



Come ogni an, in cetantis localitâts dal Friûl, cun cetantis iniziativas, si celebre la Fieste de Patrie dal Friûl, in ricuart dai 3 di Avrîl dal 1077, cuant che il patriarcje Sigart al ricevè dal imperadôr Indri IV la invistidure feudâl di Duche dal Friûl, Marchês da la Istrie e il titul di Princip, cu la costituzion ancje dal Principât ecclesiastic di Aquilee, feut diret dal Sacri Roman Imperi. La celebrazion principâl e sarà a Tarcint domenie ai 7 di Avrîl, tacant a lis 9 e mieze a matine, ma a son tantis lis iniziativas in program un pôc pardut. La Societât Filologjiche Furlane e partecipe a tantis di chestis iniziativas e, in particolâr, in colaborazion cu la ACLIF - Assemblee de Comunitât Linguistiche Furlane, cu la Universitât dal Friûl e cul Comun di Codroip, a la presentazion da la seconde edizion dal Dossier regionâl sul insegnament dal furlan

tal sisteme educatîf talian, realizât di Ada Bier, Gabriele Zanello e Antonella Ottogalli e publicât dal Centri European di Ricercje sul Multilinguism e l'Aprediment da lis Lenghis "Mercator" da la Academie di Frisie e, par furlan e par talian, in coedizion cu la Societât Filologjiche Furlane. Il dossier al vignarà presentât a Udin joibe ai 11 di Avrîl a lis 6 sore sere inte sede da la Universitât di vie Margreth ai students dal cors di laurea in sciencis da la formazion primarie, vinars ai 12 a lis 5 e mieze dopomisdî tal salon di palaç Belgrât in place dal Patriarcjât ai amministrazîs locâi e, anjemò, sabide ai 13 di Avrîl a Codroip, a matine, ai insegnants inte suaze dal tradizional apontament pe scuele furlane promovût dal Docuscuele, il centri di documentazion, ricercje e sperimentazion didattiche da la Societât Filologjiche Furlane. Ancje tal Friûl di soreli jevât al è alc in

Buine Pasche!

La Societât Filologjiche Furlane e augure Buine Pasche a duçj i letôrs di Voce Isontina e di Friûl di Jevât

program. In particolâr ai 19 di Avrîl a lis 5 e mieze dopomisdî, inte sale "Incontro" da la parochie di San Roc in vie Veniero 1, e sarà la presentazion dal libri "Scrivere in friulano. Lingua comune e varietà locali" di Paolo Roseano e Anna Madriz. Il volum al sarà presentât di bande di Federico Vicario, president da la Societât Filologjiche Furlane e docent di lenghistiche inte Universitât dal Friûl. Ceste e je la gnove edizion da la vuide par scrivi la lenghe furlane, inricjide da lis indicazioni pe scritture intes diversis varietâts gjeografichis da la nestre marilenghe.